



**R. P. Ferdinandi De Castro Palao, Legionensis Soc. Iesv,  
Sacræ Theologiæ Professoris, Et sanctæ Inquisitionis  
Qualificatoris & Consultoris; Operis Moralis, De Virtvtibvs,  
Et Vitiis Contrariis, In ...**

De Virtute Religionis, Et Ei Annexis; Continens quatuor Tractatus  
Theologiæ Moralis præcipuos. Primus, in ordine decimusquartus, de  
Iuramento, & Adiuratione. Secundus, de Voto. Tertius, & charior Authori,  
de statu Religioso. Quartus, de vitiis oppositis Religioni

**Castro Palao, Fernando de  
Lugduni, 1669**

An votum possit esse de rebus præceptis. §. 5.

---

[urn:nbn:de:hbz:466:1-76572](https://nbn-resolving.de/urn:nbn:de:hbz:466:1-76572)

2. Tertiò dicendum est ; peccatum mortale esse, si res promissa turpis venialiter sit, vel ob finem turpiter veniale promittatur ; et plures Doctores sentiant, solum esse culpam veniale. Sic Lefsius lib.2. cap.40. dub.7. num.39. Suar. tom.2. de Relig. l.3. de voto c.2. à num.9. Ratio est eadem ac in præcedentie conclusione. Nam quæcumque res turpis quantumvis minima oblati Deo tanguam cedens in eius cultum grauiissime eius summam bonitatem offendit. Si autem tanguam illi malum, & ingratum offeratur, vel porius comminetur, blasphemiam continet, attribuendo Deo, quod illi conuenire non potest.

Aduerendum tamen est frequenter has promissiones iniquas, et sub nomine voti fiant, non esse promissiones, nec combinaciones Deo factas esse iuramenta, quibus in mali proposito te firmare intendis. Ut si dicas voto Deo, me vindicaturum praefat enim hunc sensum, iuro Deo me vindicaturum ; & tunc est grata vel veniale peccatum pro grauitate, vel leuitate materiae, ut sup tractat, diximus. Sic Lefsius & Suarez locis citatis. Layman, lib.4. tract.4. de voto.c.2.n.6.

3. Quartò dicendum videtur, profectionem rei indifferen-  
tis vel ob finem indifferentem solum esse culpam veniale.  
Quia licet ex vi, & modo promissionis res indifferens ut grata  
Deo offeratur ; cum tamen grata non sit, quia tamen posse in  
ingrata non est, nec contumeliosa, non videatur culpam excede-  
re veniale. Suar. tom.2. de Relig. lib.5.c.2.n.14.

Quinto dicendum est ; executionem superdictorum votorum eamdem malitiam continere, ac continet illorum omis-  
sionem. Nam executo ex obligatione voti, est voti facti appro-  
batio. Sic relati Doctores.

## S. IV.

An votum possit esse de rebus præceptis.

## S V M M A R I V M.

1. Proponitur dubitandi ratio.
2. Catholica veritas est, esse posse de rebus præceptis.
3. Satisfit rationi dubitandi.

1. Ratio dubitandi ea est : quia votum afflumis ad firmam tuam voluntatem, illamque obligandam execu-  
tioni operis promitti. Sed comparatione operis præcepti  
est firmata tua voluntas, & obligata executione talis operis  
superioris præceptio, & voluntate. Ergo opus præceptum  
non potest esse voti materia. Quod si dicas nullum esse in-  
conveniens voluntatem tuam præceptio superioris firmatam,  
& obligatam firmari, & obligari alio titulo. Nempe pro-  
missionem tua, obstat ; quia hæc obligatio indicat priorem obli-  
gationem præcepti diminutam esse. Et præterea nulla obli-  
gatio nasci potest, nisi à lege, vel præcepto ; & consequen-  
ter à superiori voluntate. Ergo obligatio, quæ ex voto na-  
scitur, ex præcepto seu legi naturali nascitur. Ergo votum  
non superadgit obligationem præceptio. Ergo non potest  
esse votum de operis præcepto. Alias præceptio obligationem  
adserit.

2. Ceterum Catholica veritas est, votum propriissimum  
esse posse de operibus præceptis. Sic D. Thom. quem fecit  
omnes sequuntur 2.2.6.88. art.2. Et ibi Caetanus dub.1.  
Valent. diff.6. qu.6. punct.2. ad finem. Nauarrius cap.12. n.25.  
Azor. 1.p.lib.11. cap.13.9.1. Sanchez lib.4. sum.cap.5. num.6.  
Suar. tom.2. de Religione lib.2. de voto cap.6. à n.4. Lefsius  
lib.2. cap.40. dub.7. n.47. & sequentib. Layman. lib.4. sum.  
tract. de voto cap.2. n.9. & alijs apud ipsos. Ratio est mani-  
festasquia opera præcepta sunt honesta, ut Deo ita grata ve-  
rō posse. Quia ita sunt honesta, & Deo in cultu eius  
offerantur. Hæc enim oblatio libera, & spontanea non impe-  
ditur ex præcepto. Quia præceptum non cogit ad obligatio-  
nem ; neque voluntatem necessitat, sed liberam relinquit ab-  
solue, ut opus præceptum exequatur.

3. Neque obstat ratio dubitandi, cui bene ibi satisfactum  
est. Et ad impugnationem nego, ex superaddita obligatione  
voti indicari obligationem præcepti diminutam esse in suo  
genere ; et enim in suo genere plena, & perfecta ; neque ali-  
quid addi potest. Sed solum indicatur non comprehendere  
omneni obligationem, quæ actu præcepto inesse potest. Pos-  
se autem. Nam cuilibet actui plures obligations adesse pos-  
sunt ; potes enim Iuramento obstringi ad seruandum ieiuni-  
um ex præcepto temperante debitum, & ad seruandam si-  
dem diuinam ex præcepto fidei debitum, & ad seruandam  
promissionem homini fidem ex infinita, vel fideliitate huma-  
na debiram, & in professione religionis, Religionis obligantur  
ad seruandam castitatem, aliquo debitum ex præcepto na-  
turali. Non igitur vna obligatio alteram impedit ; sed po-  
rius virtutem promovet & voluntatem in bono firmiorem

reddit, ut potest pluribus vinculis obstrictam. Ad secundam  
impugnationem concedo obligationem voti formaliter, & im-  
mediate oriū ex præcepto naturali, quo obligari fidem esse  
in iis, quæ Deo promiseris. At quia hæc obligatio in libe-  
ra promissione fundatur non impedit obligationem præcepti  
ad operis præceptum executionem titulo fidilitatis, sicut obli-  
gat votum ; eaque de causa obligatio, quæ ex voto nascitur,  
cuilibet præcepto absolute sumpto advenire potest.

## S. V.

Qualiter votum debeat esse de meliori bono.

## S V M M A R I V M.

1. Votum debet esse de re meliori.
2. Vota confilii Euangelicus opposita nulla sunt.
3. Qualiter votum non vouchet validum esse possit.
4. Per se est validum votum non petendi dispensationem.
5. Ex voto non petendi dispensationem non manet obligatus  
commutationem vel irritationem non petere & se pro-  
babiliter alijs oppositum sentiant.
6. Quid de voto non ascendendi ad Episcopatum ? Proponit  
non valere tale votum.
7. Validum est tale votum si recta via procedat.
8. Sit satia dubitandi ratione.
9. Idem est dicendum de voto cuiuslibet prælatura sine facu-  
laris sine regulari.
10. Votum abstinenti à cibis delicatis, à recreatione hinc  
regulariter valere.
11. Valet votum inserviendi perpetuū in Xenodochio.
12. Votum de matrimonio contrahendo ab solutio est invalidum.
13. Idem est, si stat animo non consummari sed religionem  
assumenti.
14. Si ad sedandas tentationes & vitiosos frequentes la-  
sias, plures censem valere, alijs negant, quod est pro-  
babilis ab soluto loquendo.
15. Si animo ducenti feminam pauperem fiat nullum est ; se-  
cūs si fiat sub conditione, & quando fieri censendum est.
16. Quid de hoc voto ? Promitto non recitaturum nisi flexi ge-  
nibus, non ingressum religionem, nisi hanc, non dare  
eleemosynam nisi huic pauperi ? Affirmat Sanchez va-  
lere, probabilis oppositum.
17. Si negatio excludit materiam voto ineptam validum est.

1. Communis est dominum sententia cum D. Thoma 1.3.  
qua.8.88.art.2. Ad votum non sufficiere rem promis-  
sam esse bonam, & honestam ; sed debere esse meliorem, quam  
sua contradictione. Ne obligatus sis ad omittendum id, quod  
melius & perfectius est, & Deo grarius. Quod nec diuino  
obligatio, nec nostræ perfectioni consonum est. Neque ob-  
stat ; rem honestam, & maius bonum ex se impedientem gra-  
tam esse Deo, & iuxta eius voluntatem mandari executioni  
posse ut inde inferas votum' valeat. Quia aliud est te rem  
honestam maius bonum impedientem exequi liberte, aliud  
exequi ex obligatione ; quando ergo tales rem honestam ex  
obligatione exequiris ; eo ipso obligaris perfectiori & Deo  
gratiorem omittere. Quod non contingit, quando absque  
obligatione exequiris.

2. Ex quo si ; omnia vota confilii Euangelicus opposita  
nulla esse, qualia sunt vota non suscipiendi ordinis, non in-  
grediendi religionem, non trucundandi, non fideicomitandi, non  
erogandi elemosynam, & similia. Tum quia haec negationes  
per se nullam habent honestatem. Tum quia ex se impedient  
majoris boni executionem. Cum confusa tempore finis de melio-  
ri bono. In his omnes Doctores concuerunt, quos supervac-  
uum censem referre.

3. Sunt tamen aliqua vota de quibus dubium est an melio-  
ri bono opponantur.

Primo dubitatur de voto non vouchet ? Et quidem ; si he-  
ab solute sumatur, meliori bono opponuntur ac proinde mul-  
tum est ; opponuntur namque contradictione votorum emis-  
sioni ; ad quam Deus confitit & inclinat. At si votum fieret  
sub aliqua circumstancia excludente temeritatem, & impu-  
dientiam in votando valeret viisque votum, ut si votum emit-  
teres non vouchet abique confitit confessori ; vel nisi vot-  
bo, aut præcepto, aut coram aliquibus peritos. Quia con-  
ditiones haec non impedit votum ; sed votorum emissioni  
conditionem conuenientem apponunt, ad eum temerita-  
tē votum vitandam. Sic Azor. 1.p.lib.11. cap.13. qua.6. Sanchez  
pluribus

DE  
LASTI  
PALA  
TOM  
II